

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 28 NOVEMBER 2023, PUKUL 10.00 PAGI

Bil. 15

WAKTU PERTANYAAN-PERTANYAAN MENTERI

1. PR-1523-MQT2550
Dato' Haji Shamshulkahar bin Mohd Deli [Jempol] minta **PERDANA MENTERI** menyatakan apakah persediaan Kerajaan dalam melaksanakan pelan komprehensif pengurusan bencana banjir bagi memastikan keselamatan mangsa banjir dan meminimumkan kehilangan harta benda dalam musim Monsun Timur Laut ketika ini.

2. PR-1523-MQT2539
Dato' Syed Abu Hussin bin Hafiz Syed Abdul Fasal [Bukit Gantang] minta **PERDANA MENTERI** menyatakan apakah maksud dan harapan Kerajaan apabila melaksanakan konsep Kerajaan Madani dalam menggalakkan perpaduan di antara Ahli-ahli Parlimen dalam membangunkan negara secara bersama. Apakah harapan YAB kepada Ahli Parlimen Pembangkang.

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 28 NOVEMBER 2023, PUKUL 10.00 PAGI

Bil. 78

WAKTU PERTANYAAN-PERTANYAAN MENTERI

PERTANYAAN-PERTANYAAN BAGI JAWAB LISAN

1. PR-1523-L21214
Datuk Seri Utama Hasni bin Mohammad [Simpang Renggam] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan jumlah dan perincian terbaharu pelaburan langsung asing dalam sektor Tenaga Boleh Baharu bagi menjayakan National Energy Transition Roadmap (NETR).
2. PR-1523-L22513
Tuan Shahrizukir Nain bin Abd. Kadir [Setiu] minta **MENTERI KERJA RAYA** menyatakan secara terperinci bilangan lebuh raya yang mempunyai akses kepada laluan motosikal dan pelan terkini bagi menaik taraf laluan motosikal di mana-mana lebuh raya yang masih tidak dilengkapi dengan laluan motosikal.
3. PR-1523-L21102
Tuan Hassan bin Abdul Karim [Pasir Gudang] minta **MENTERI EKONOMI** menyatakan garis masa pelaksanaan gaji progresif. Adakah objektif menuju negara maju di mana rakyat berpendapatan tinggi boleh dicapai.

4. PR-1523-L22677

Dato' Wira Dr. Ku Abd Rahman bin Ku Ismail [Kubang Pasu] minta **MENTERI PELABURAN, PERDAGANGAN DAN INDUSTRI** menyatakan Pelan Induk Perindustrian Baharu 2030 seperti berikut:

- (a) bagaimanakah Kerajaan akan memperoleh wang sejumlah RM85.5 bilion dari pihak swasta (90% dari jumlah pelaburan RM95 bilion yang diperlukan sepanjang 7 tahun) bagi pelaksanaan NIMP 2030; dan
- (b) langkah Kerajaan bagi meningkatkan Pelaburan Domestik (DDI) dalam tempoh pelaksanaan NIMP 2030.

5. PR-1523-L(5)00207

Dato' Indera Mohd Shahar bin Abdullah [Paya Besar] minta **MENTERI PERTANIAN DAN KETERJAMINAN MAKANAN** menyatakan apakah langkah kontigensi pihak Kementerian bagi mengatasi masalah kekurangan bekalan makanan yang diimport di pasaran memandangkan ianya berisiko menjejaskan pengguna dan apakah rangka strategik pihak Kementerian untuk mempelbagaikan destinasi import bekalan makanan negara bagi mengurangkan kebergantungan kepada negara sumber yang tertentu sahaja.

[Pertanyaan di bawah PM 22(5)]

6. PR-1523-L22081

Dato' Hajah Mumtaz binti Md Naww [Tumpat] minta **MENTERI SUMBER MANUSIA** menyatakan persediaan negara khususnya daripada sudut tenaga mahir seperti juruteknik elektrik dan insentif kepada generasi muda anak tempatan bagi menghadapi peningkatan perubahan gaya hidup dan teknologi baharu seperti motokar menggunakan petrol kepada penggunaan motokar hibrid dan elektrik sepenuhnya serta penggunaan dron yang lebih mesra alam sekitar.

7. PR-1523-L21665

Puan Yeo Bee Yin [Puchong] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status terkini rangka undang-undang *Third-Party-Access (TPA)* bekalan elektrik dan bilakah Kementerian akan membentangkannya di Parlimen.

8. PR-1523-L21894

Tuan Kalam bin Salan [Sabak Bernam] minta **MENTERI PENDIDIKAN TINGGI** menyatakan usaha proaktif dan inovatif Kementerian bagi memperkukuhkan keupayaan institusi pendidikan tinggi serta memacu kecemerlangan bidang penyelidikan Malaysia menerusi perkongsian dan kerjasama strategik termasuk di dalam dan luar negara.

9. PR-1523-L21462
Tuan Mohamad Shafizan Haji Kepli [Batang Lupar] minta **MENTERI KEMAJUAN DESA DAN WILAYAH** menyatakan status terkini penaiktarafan jalan Serandong/Perpat/Paloh/Batang Maro dan bilakah ianya dijangka dapat siap sepenuhnya.
10. PR-1523-L22349
Tuan Abdul Latiff bin Abdul Rahman [Kuala Krai] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :
- (a) adakah Kementerian berhasrat menaik taraf Bahagian Pembahagian Pusaka, Jabatan Ketua Pengarah Tanah dan Galian (JKPTG) kepada sebuah jabatan khusus yang lebih lengkap keperluannya; dan
 - (b) apakah langkah terkini Kementerian dalam menangani isu lambakan tunggakan kes pembahagian pusaka khususnya selepas Rang Undang-Undang Harta Pusaka Kecil (Pembahagian) (Pindaan) 2021 diluluskan Parlimen.
11. PR-1523-L(5)00196
Tuan Chiew Choon Man [Miri] minta **MENTERI KERJA RAYA** menyatakan secara terperinci maklumat mengenai projek naik taraf Jalan Roundabout GK, Pujut, persimpangan lampu isyarat serta menaik taraf Jalan Bulatan Puchong - Sg. Lutong Lorong, termasuk skop kerja, jumlah kos projek, jangkaan tarikh permulaan projek dan masa yang dijangkakan untuk diselesaikan untuk projek ini.
- [Pertanyaan di bawah PM 22(5)]**
12. PR-1523-L22027
Tuan Mohd Azizi bin Abu Naim [Gua Musang] minta **MENTERI KEMAJUAN DESA DAN WILAYAH** menyatakan secara terperinci status pemberian hak pemilikan lot rumah dan lot ladang kepada golongan miskin tegar yang menjadi peserta Projek Agropolitan Wilayah Ekonomi Pantai Timur (ECER) di Rantau Manis, Gua Musang.
13. PR-1523-L21403
Tuan Edwin anak Banta [Selangau] minta **MENTERI KERJA RAYA** menyatakan adakah cadangan untuk membina tambahan kawasan rehat (R&R) di Lebuhraya Pan Borneo Tatau-Selangau.

14. PR-1523-L21739

Dato' Haji Abdul Khalib bin Abdullah [Rompin] minta **MENTERI PELANCONGAN, SENI DAN BUDAYA** menyatakan apakah sumbangan yang diberikan oleh Kementerian bagi meningkatkan penglibatan bakal-bakal graduan di pusat pengajian tinggi dalam aspek keusahawanan pelancongan bagi mengurangkan kebergantungan kepada tawaran kerja samada daripada pihak swasta atau Kerajaan.

15. PR-1523-L21794

Tuan Chow Yu Hui [Raub] minta **MENTERI PENDIDIKAN TINGGI** menyatakan bilangan kemasukan pelajar ke perubatan dan pergigian di UM, UPM, UKM, USM dan UTM berdasarkan pecahan universiti, kaum (Melayu, Cina, India, Bumiputera bukan Melayu Semenanjung, Bumiputera Sabah, Bumiputera Sarawak dan lain-lain) dan kelayakan (STPM, Matrikulasi dan lain-lain) dari 2019 hingga 2023.

16. PR-1523-L22005

Tuan Muhammad Ismi bin Mat Taib [Parit] minta **MENTERI PELABURAN, PERDAGANGAN DAN INDUSTRI** menyatakan usaha-usaha Kementerian untuk membuka peluang-peluang pekerjaan bagi rakyat kawasan Perak Tengah terutama di Seri Iskandar dengan membangunkan industri-industri berimpak tinggi.

17. PR-1523-L21576

Puan Vivian Wong Shir Yee [Sandakan] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan secara terperinci:

- (a) berapa peratusan Air Tidak Terhasil (NRW) yang direkodkan di Sabah dan Sandakan; dan
- (b) berapa banyak kos yang telah diperuntukkan oleh Kementerian untuk mengatasi isu NRW yang tinggi di Sabah dan Sandakan.

18. PR-1523-L21917

Ir. Ts. Haji Khairil Nizam bin Khirudin [Jerantut] minta **MENTERI KEMAJUAN DESA DAN WILAYAH** menyatakan apakah status terkini cadangan saya sewaktu perbahasan bajet peringkat jawatankuasa iaitu mengenai mewujudkan Pusat Transformasi Luar Bandar (RTC) di Bandar Jerantut mengambil maklum yang Jerantut merupakan Bandar Taman Negara, dan akan memberi manfaat kepada 104,771 rakyat di Jerantut.

19. PR-1523-L21419

Datuk Seri M. Saravanan [Tapah] minta **MENTERI SUMBER MANUSIA** menyatakan apakah perkembangan memorandum mengenai penubuhan Suruhanjaya Ekonomi Gig Malaysia (SEGiM) yang telah diberi tanggungjawab kepada KSM bagi mendapatkan persetujuan serta kelulusan Kabinet untuk penubuhan suruhanjaya tersebut serta diharap YAB Perdana Menteri dapat mengumumkan penubuhan Suruhanjaya Ekonomi Gig Malaysia (SEGiM) pada pembentangan Bajet 2024 Oktober nanti. Adakah SEGIM akan mengawal selia sebarang pertikaian yang wujud di sektor pekerjaan gig kerana tidak boleh dirujuk ke Mahkamah Perusahaan.

20. PR-1523-L21931

Dato' Haji Mohd Suhaimi bin Abdullah [Langkawi] minta **MENTERI PELANCONGAN, SENI DAN BUDAYA** menyatakan insentif tambahan terkini yang diberikan kepada pengusaha-pengusaha pelancongan tempatan bagi membantu mereka yang terjejas akibat pandemik COVID-19.

21. PR-1523-L22659

Datuk Ir. Shahelmey bin Yahya [Putatan] minta **MENTERI PENDIDIKAN TINGGI** menyatakan adakah kajian penyelidikan atau tindakan susulan bagi mengukuhkan asas universiti demi mengukur sejauh mana profesor-profesor di universiti awam menyumbang kepada penyelesaian permasalahan industri, pengkuliahan bermutu tinggi dan berkolaborasi bersama profesor terkemuka dunia dalam menghasilkan penerbitan berimpak tinggi. Ini adalah penting bagi meningkatkan kualiti profesor negara demi meningkatkan kualiti universiti awam dan kemasukan pelajar antarabangsa dari negara-negara maju.

22. PR-1523-L22456

Tuan Afnan Hamimi bin Taib Azamuddin [Alor Setar] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah dasar dan garis panduan terkini bagi penerokaan dan pemprosesan nadir bumi atau REE.

23. PR-1523-L21814

Dato' Verdon bin Bahanda [Kudat] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan rancangan Kementerian untuk meminimumkan dan mengurus risiko kesan perubahan iklim seperti pemecah ombak, kawalan hakisan pantai dan banjir khusus untuk kawasan Kudat dan Pitas di Parlimen Kudat yang setiap tahun terkesan akibat perubahan iklim.

24. PR-1523-L22667

Dato' Azman bin Nasrudin [Padang Serai] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan Malaysia telah diketahui umum sebagai sebuah negara yang kaya dengan sumber asli nadir bumi. Mengikut kajian Jabatan Mineral dan Geosains, Pusat Tenaga Atom dan Pusat Nuklear Malaysia, adakah nadir bumi yang terdapat di Malaysia mempunyai kesan radio aktif yang merbahaya kepada manusia dan alam sekitar.

25. PR-1523-L(5)00191

Tuan Tan Kar Hing [Gopeng] minta **MENTERI EKONOMI** menyatakan hasil statistik dan tahap keberkesanan Inisiatif Pendapatan Rakyat dalam usaha membasmi kemiskinan dan menambah pendapatan rakyat.

[Pertanyaan di bawah PM 22(5)]

26. PR-1523-L21912

Ir. Ts. Haji Khairil Nizam bin Khirudin [Jerantut] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :

- (a) komitmen Kementerian dalam memastikan eksploitasi nadir bumi ini selamat dan terjaga flora dan fauna negara ini terutamanya di Jerantut; dan
- (b) senarai lombongan haram nadir bumi yang telah dikenalpasti oleh pihak Kementerian.

27. PR-1523-L21821

Dato' Verdon bin Bahanda [Kudat] minta **MENTERI PERTANIAN DAN KETERJAMINAN MAKANAN** menyatakan rancangan Kementerian memastikan kawalan harga beras putih tempatan tidak mengalami kenaikan harga dan penguatkuasaan khusus untuk kawasan daerah luar bandar seperti di Pulau Banggi, Kudat dan Pitas.

28. PR-1523-L22439

Tuan Haji Mohd Hasnizan bin Harun [Hulu Selangor] minta **MENTERI PENDIDIKAN TINGGI** menyatakan adakah dalam perancangan Kerajaan untuk memberi jaminan kepada pelajar lulusan SPM/STPM/STAM untuk menyambung pengajian di IPT tanpa beban hutang belajar yang tinggi sehinggakan ada yang mencapai puluhan ribu ringgit.

29. PR-1523-L22505

Dato' Seri Dr. Wan Azizah Wan Ismail [Bandar Tun Razak] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan kaedah bagaimana mencapai sifar pelepasan gas rumah hijau seawal 2050 untuk mengurangkan kesan negatif terhadap perubahan iklim seperti mana sasaran RMK-12.

30. PR-1523-L21958

Tuan Fathul Huzir bin Ayob [Gerik] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan status lombong *Rare Earth Element (REE)* atau unsur nadir bumi yang telah beroperasi di Daerah Gerik, Hulu Perak dan telah mengeluarkan hasil pertama pada Februari sebanyak RM1.66 juta yang berada di Mukim Kenering. Malangnya ia melibatkan beberapa isu iaitu:

- (a) berapakah hasil pengeluaran sebenar REE tersebut dan bagaimanakah pembahagian keuntungan atau hasil antara syarikat pelombong, Kerajaan Negeri dan Kerajaan Tempatan (Majlis Daerah) ; dan
- (b) sumber air yang mengalir memasuki perairan Sungai Perak dan tenaga pekerja yang digunakan tidak melibatkan secara menyeluruh warga Gerik.

31. PR-1523-L(5)00193

Tuan Khoo Poay Tiong [Kota Melaka] minta **MENTERI KERJA RAYA** menyatakan adakah Kerajaan akan mengkaji semula harga yang dipaparkan dalam Jadual Kadar Kerja Kejuruteraan Awam dan Bangunan yang disediakan oleh Jabatan Kerja Raya yang digunapakai oleh jabatan/agensi awam di mana kebanyakan harganya lebih tinggi daripada harga pasaran agar penjimatan dapat tercapai.

[Pertanyaan di bawah PM 22(5)]

32. PR-1523-L22004

Tuan Muhammad Ismi bin Mat Taib [Parit] minta **MENTERI KERJA RAYA** menyatakan inisiatif atau usaha Kementerian untuk mengadakan rundingan semula perjanjian konsesi lebuhraya dengan syarikat konsesi bagi mengurangkan kadar tol di seluruh negara.

33. PR-1523-L22653

Datuk Ir. Shahelmey bin Yahya [Putatan] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan dapatan hasil Data Bank Dunia 2023, negara-negara maju telah mula menguatkuasakan *Carbon Pricing Policy* untuk mengawal aktiviti ekonomi yang mencemarkan alam sekitar. Majoriti negara-negara membangun seperti Malaysia sebagai negara yang mempunyai hasil eksport yang tinggi, masih belum menguatkuasakan *Carbon Pricing Policy*. Apakah perancangan Malaysia dalam agenda *carbon neutral growth*.

34. PR-1523-L22150

Dato' Dr. Ahmad Yunus bin Hairi [Kuala Langat] minta **MENTERI KEMAJUAN DESA DAN WILAYAH** menyatakan perancangan Kerajaan bagi membangunkan lot-lot tanah yang telah diberikan milikan seolah-olah tidak terurus dan sebahagiannya telah dijual tapak di FELCRA Batu 8 Sijangkang.

35. PR-1523-L(5)00199

Tuan Wong Kah Woh [Taiping] minta **MENTERI KEMAJUAN DESA DAN WILAYAH** menyatakan jumlah peruntukkan yang telah diturunkan ke Daerah Larut Matang Selama dan Bandar Taiping dan maklumat projek-projek yang terbabit mengikut kawasan.

[Pertanyaan di bawah PM 22(5)]

36. PR-1523-L21558

Tuan Mohd Sany bin Hamzan [Hulu Langat] minta **MENTERI PELABURAN, PERDAGANGAN DAN INDUSTRI** menyatakan penyemakan semula kaedah untuk membawa masuk dana-dana bagi tujuan pelaburan FDI berskala sederhana dan besar kerana terdapat limitasi dan prosedur yang agak ketinggalan.

37. PR-1523-L22324

Dr. Ahmad Fakhruddin bin Fakhrurazi [Kuala Kedah] minta **MENTERI PELANCONGAN, SENI DAN BUDAYA** menyatakan :

- (a) perancangan dan tindakan terkini untuk mempromosi produk pelancongan terbaru dalam negara; dan
- (b) destinasi baru yang dikenal pasti sebagai tapak produk pelancongan baru di negeri Kedah.

38. PR-1523-L21417

Datuk Seri M. Saravanan [Tapah] minta **MENTERI SUMBER MANUSIA** menyatakan apakah persediaan dan langkah pihak KSM yang akan melaksanakan levi untuk pelbagai peringkat (*multi-tiered levy*) dalam masa terdekat dan usaha pihak Kementerian bagi memastikan peluang pekerjaan untuk warga tempatan, selain meneruskan dasar pekerja asing tidak melebihi 15 peratus daripada jumlah tenaga kerja agar benar-benar dapat direalisasikan.

39. PR-1523-L21181

Datuk Seri Dr. Noraini Ahmad [Parit Sulong] minta **MENTERI KEMAJUAN DESA DAN WILAYAH** menyatakan apakah pelan strategik Kementerian bagi memastikan pembangunan dan perindustrian luar bandar dapat menjana peluang pekerjaan berkemahiran tinggi untuk anak muda bagi mengurangkan penghijrahan warga belia ke bandar.

40. PR-1523-L22233

Datuk Haji Ahmad Amzad bin Mohamed @ Hashim [Kuala Terengganu] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :

- (a) jumlah premis kediaman yang memasang solar panel di bawah Skim Permeteran Tenaga Bersih (NEM) 3.0 Rakyat; dan
- (b) usaha Kementerian dalam menggalakkan lebih ramai pengguna untuk menyambut inisiatif NEM yang boleh memberi penjimatan dan kecekapan tenaga kepada pengguna.

41. PR-1523-L22682

Datuk Jonathan Yasin [Ranau] minta **MENTERI KERJA RAYA** menyatakan jambatan kekal untuk menyeberangi Sungai Ulu Sugut untuk menghubungkan Kg. Gusi di sebelah Ranau dan ke sempadan daerah Beluran di sebelahnya sangat diperlukan untuk memudahkan perhubungan di dua daerah ini. Adakah pihak Kementerian bersedia untuk memberi dana untuk pembinaan jambatan kekal ini.

42. PR-1523-L22065

Tuan Zahari bin Kechik [Jeli] minta **MENTERI PELANCONGAN, SENI DAN BUDAYA** menyatakan perancangan jangka masa pendek dan jangka masa panjang yang telah dirancang untuk mempromosi Kelantan sebagai destinasi pelancongan tempatan dan antarabangsa.

43. PR-1523-L21540

Dato' Seri Haji Aminuddin bin Harun [Port Dickson] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan mengenai apakah kesan alam sekitar dari perlombongan *Rare Earth Elements* (REE) dan adakah impak negatif dari industri ini.

44. PR-1523-L21145

Dato' Muhammad Bakhtiar bin Wan Chik [Balik Pulau] minta **MENTERI KERJA RAYA** menyatakan :

- (a) apakah inisiatif terkini Kementerian dalam meneliti kualiti jalan raya di Malaysia yang dilihat mempunyai pelbagai masalah seperti tidak rata, berlubang, dan tampalan yang tidak sempurna; dan
- (b) sejauh manakah pemantauan dan pemeriksaan keadaan jalan raya di Malaysia dibuat untuk memastikan keselamatan pengguna jalan raya tidak diabaikan.

45. PR-1523-L22292

Tuan Nurul Amin bin Hamid [Padang Terap] minta **MENTERI KEMAJUAN DESA DAN WILAYAH** menyatakan kedudukan semasa permohonan peruntukan pembinaan Titi Kampung Padang Setol Padang Terap yang telah runtuh pada 9 Ogos 2023.

46. PR-1523-L21349

Datuk Seri Panglima Bung Moktar bin Radin [Kinabatangan] minta **MENTERI PENDIDIKAN TINGGI** menyatakan sekiranya Kementerian berhasrat untuk membuka pusat pengajian tinggi ataupun cawangannya di Pekan Kota Kinabatangan memandangkan Pekan Kota Kinabatangan merupakan kawasan strategik di kawasan pantai timur Sabah untuk membuka sebuah pusat pengajian tinggi.

47. PR-1523-L22339

Dr. Ahmad Fakhruddin bin Fakhurazi [Kuala Kedah] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan usaha-usaha yang diambil bersama agensi Kerajaan Persekutuan yang lain bagi mengukuhkan kedudukan tebing-tebing sungai dan terusan di dalam Parlimen Kuala Kedah.

48. PR-1523-L22452

Tuan Afnan Hamimi bin Taib Azamuddin [Alor Setar] minta **MENTERI PENDIDIKAN TINGGI** menyatakan adakah Kementerian bersedia untuk membenarkan mahasiswa bergiat aktif di dalam parti politik di dalam dan luar universiti.

49. PR-1523-L21679

Datuk Wira Hajah Mas Ermieyati binti Samsudin [Masjid Tanah] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan langkah-langkah yang telah diambil dalam menangani isu banjir terutamanya banjir kilat di ibu negara dan persiapan yang dilakukan untuk melindungi aktiviti-aktiviti perniagaan yang kebarangkaliannya boleh mencecah nilai ekonomi yang tinggi daripada turut terjejas semasa banjir.

50. PR-1523-L22387

Tuan Zakri bin Hassan [Kangar] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan adakah terdapat usaha-usaha untuk menggantikan paip air di Perlis memandangkan kadar kehilangan air begitu banyak melalui paip-paip yang bocor.

51. PR-1523-L21692

Kapten Azahari bin Hasan [Padang Rengas] minta **MENTERI KEMAJUAN DESA DAN WILAYAH** menyatakan sekiranya terdapat sebarang peruntukan yang dikhaskan untuk membaik pulih/penyelenggaraan dan melebarkan jambatan di kampung-kampung.

52. PR-1523-L21991

Datuk Haji Idris bin Haji Ahmad [Bagan Serai] minta **MENTERI KEMAJUAN DESA DAN WILAYAH** menyatakan sejauh mana penduduk di luar bandar menerima manfaat daripada pelbagai inisiatif dan usaha Kerajaan dalam usaha membasmi kemiskinan memandangkan Insiden Kemiskinan Tegar di luar bandar lebih tinggi iaitu 0.7% berbanding 0.1% di kawasan bandar.

53. PR-1523-L22067

Tuan Zahari bin Kechik [Jeli] minta **MENTERI PELANCONGAN, SENI DAN BUDAYA** menyatakan kerja sama yang telah diberikan oleh Kerajaan Pusat kepada Kerajaan Negeri Kelantan dalam mempromosikan seni budaya Kelantan seperti pesta wau, dikir barat, wayang kulit dan permainan gasing.

54. PR-1523-L22578

Tuan Mohd Nazri bin Abu Hassan [Merbok] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan kaedah pihak Kementerian untuk mengawal pencemaran bau di SK Bukit Kiara yang dibina berhampiran kolam takungan air limbah dari kawasan perindustrian berhampiran. Hal ini amat merisaukan.

55. PR-1523-L21306
Tuan Oscar Ling Chai Yew [Sibu] minta **MENTERI PELABURAN, PERDAGANGAN DAN INDUSTRI** menyatakan adakah Kerajaan mempunyai hasrat untuk membenarkan kenderaan elektrik yang berharga kurang daripada RM100,000 diimport dan dipasarkan di negara kita.
56. PR-1523-L21138
Dato' Muhammad Bakhtiar bin Wan Chik [Balik Pulau] minta **MENTERI PELANCONGAN, SENI DAN BUDAYA** menyatakan perancangan jangka pendek, sederhana dan panjang Kementerian bagi mengetengahkan bakat tempatan dalam industri kreatif kepada rakyat Malaysia.
57. PR-1523-L21483
Tuan Sim Tze Tzin [Bayan Baru] minta **MENTERI KERJA RAYA** menyatakan apakah perkembangan terkini laporan siasatan tanah runtuh di Batang Kali yang meragut 31 nyawa pada Disember 2022. Bilakah laporan siasatan tersebut akan diumumkan.
58. PR-1523-L22187
Tuan Chong Chieng Jen [Stampin] minta **MENTERI EKONOMI** menyatakan kaedah-kaedah subsidi bersasar yang dijangka dilaksanakan pada hujung tahun ini dan apakah penjimatan kaedah-kaedah itu dari segi pebelanjaan Kerajaan.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Kesihatan**

Rang Undang-Undang Kawalan Produk Merokok Demi Kesihatan Awam 2023.

ATURAN URUSAN MESYUARAT DAN USUL-USUL

1. (D.R. 36/2023) Rang Undang-Undang Kewangan (No.2) 2023. **Bacaan Kali Yang Kedua**
[Menteri Kewangan]

2. (D.R. 33/2023) Rang Undang-Undang Syarikat (Pindaan) 2023 - **Menyambung semula perbahasan atas masalah, "Bahawa Rang Undang-undang ini dibacakan kali yang kedua sekarang." (12 Oktober 2023)**
[Menteri Perdagangan Dalam Negeri dan Kos Sara Hidup]

3. (D.R. 40/2023) Rang Undang-Undang Suruhanjaya Hak Asasi Manusia Malaysia (Pindaan) 2023. **Bacaan Kali Yang Kedua**
[Perdana Menteri]

4. (D.R. 25/2023) Rang Undang-Undang Kawalan Produk Merokok Demi Kesihatan Awam 2023 – **Bacaan Kali Yang Kedua**

Dan;

Pengerusi Jawatankuasa Pilihan Khas Kesihatan oleh Yang Berhormat Datuk Seri Dr. Dzulkefly bin Ahmad, Ahli Parlimen Kuala Selangor akan mencadangkan :

“**BAHAWA** Penyata yang disiapkan oleh Jawatankuasa Pilihan Khas Kesihatan untuk mengkaji Rang Undang-Undang Kawalan Produk Merokok Demi Kesihatan Awam 2023, yang dibentangkan dalam Majlis ini sebagai Kertas DR. 8 Tahun 2023 diperkenankan mengikut Peraturan Mesyuarat 60”.

5. (D.R. 26/2023) Rang Undang-Undang Makanan (Pindaan) 2023. **Bacaan Kali Yang Kedua**
[Menteri Kesihatan]

6. **Menteri Ekonomi** akan mencadangkan :

“Bahawa Dewan ini memahami akan perlunya satu dasar untuk mereformasi pasaran kerja melalui Kertas Putih Cadangan Dasar Gaji Progresif agar golongan pekerja mendapat gaji yang lebih tinggi seiring dengan peningkatan produktiviti.

Bahawa Dewan ini mendukung aspirasi Kerajaan untuk menstruktur ekonomi ke arah Malaysia sebagai sebuah negara berpendapatan tinggi dengan memperkenalkan dasar gaji yang dijangka berupaya mengurangkan ketidaksamarataan pendapatan, meningkatkan produktiviti pekerja dan daya saing syarikat.

Bahawa Dewan ini menyokong usaha pelaksanaan Dasar Gaji Progresif yang akan dimulakan dengan projek rintis bagi menentukan keberkesanan dan ketersediaan sebelum pelaksanaan Dasar Gaji Progresif dibuat secara menyeluruh.

Bahawa Dewan ini menyeru semua pihak berkepentingan untuk bersama-sama memikul tanggungjawab dalam menjayakan usaha ini sejajar dengan pendekatan kolektif dengan semua pihak termasuk Kerajaan, majikan dan pekerja.

Bahawa Dewan ini meluluskan Kertas Putih Cadangan Dasar Gaji Progresif supaya menjadi hala tuju reformasi pasaran kerja negara seperti yang dinyatakan dalam Kertas Perintah CMD. 69 Tahun 2023 iaitu Kertas Putih Cadangan Dasar Gaji Progresif.”

7. **Menteri Kewangan** akan mencadangkan :

“Bahawa Dewan ini mengambil ketetapan iaitu menurut kuasa yang ditetapkan padanya oleh subseksyen 11(2), Akta Kastam 1967 supaya Perintah Duti Kastam yang dibentangkan di hadapan Majlis ini sebagai kertas statut bilangan ST.185, ST.186, ST.187, ST.188, ST.189, ST.190, ST.203, ST.204 dan ST.205 bagi tahun 2023 disahkan.”

8. **Menteri Kewangan** akan mencadangkan :

“Bahawa Dewan ini, mengikut peruntukan di bawah subseksyen 10(4)(a) Akta Tatacara Kewangan 1957 (Akta 61), membuat ketetapan bersetuju supaya Kumpulan Wang COVID-19 ditutup.”

9. **Menteri Kewangan** akan mencadangkan :

“Bahawa mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM21,000 juta di bawah seksyen 3(1) Akta yang sama, iaitu baki wang terimaan Terbitan Pelaburan Kerajaan Malaysia (MGII) bagi tempoh Jun sehingga November tahun 2023 ke Kumpulan Wang Pembangunan.”

10. PR-1523-U(27)278

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera menangani isu gangguan bekalan beras putih tempatan (BPT) di pasaran yang kian meruncing susulan tindakan India menghentikan eksport beras putihnya ke pasaran.

Langkah penetapan had pembelian maksimum 100kg BPT untuk setiap individu dan syarikat bermula 7 September 2023 hanyalah penyelesaian yang bersifat sementara dan Kerajaan seharusnya mula merangka satu pelan yang lebih tuntas dalam usaha menjamin keterjaminan bekalan beras di Malaysia bagi jangka masa yang panjang.

Kerajaan perlu segera mewujudkan rangka tindakan yang lebih komprehensif bagi mengurangkan impak inflasi makanan global dari terus menghimpit rakyat negara ini khususnya berkaitan beras yang menjadi makanan ruji kita semua."

[Menteri Pertanian dan Keterjaminan Makanan]

11. PR-1523-U(27)279

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan mencari penyelesaian untuk mengurangkan kos pengambilan pekerja asing yang kian melambung tinggi. Kebergantungan majikan tempatan terhadap pekerja asing berbanding pekerja tempatan di negara ini bukanlah perkara asing terutama dalam sektor 3D (*dirty, dangerous and difficult*).

Maka, adalah penting untuk mewujudkan satu dasar yang lebih komprehensif bagi mengurangkan kebergantungan terhadap pekerja asing agar pekerja tempatan diberi keutamaan terlebih dahulu dengan reformasi terhadap ekosistem sektor 3D meliputi kadar gaji, faedah dan sebagainya yang berpadanan dengan risiko pekerjaan perlu diimplementasikan secara berseiringan."

[Menteri Dalam Negeri]

12. PR-1523-U(27)280

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mewujudkan satu dasar mengutamakan sajian menu buah-buahan tempatan di semua majlis rasmi Kerajaan sebagai galakan dan sokongan kepada pemain industri buah-buahan tempatan serta ke arah membudayakan amalan pemakanan sihat.

Adalah menjadi tanggungjawab Kementerian bagi membantu pengusaha buah-buahan tempatan untuk memasarkan serta mempromosi hasil ladang mereka dan sekali gus meningkatkan pendapatan. Maka melalui sajian menu buah-buahan di kesemua majlis rasmi Kerajaan perlu dibudayakan sepenuhnya sebagai sokongan terhadap industri buah-buahan tempatan.”

[Menteri Pertanian dan Keterjaminan Makanan]

13. PR-1523-U(27)281

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan jangka masa panjang yang menyeluruh dalam memastikan Jumlah Kadar Kesuburan (Total Fertility Rate) bagi rakyat Malaysia terus meningkat.

Negara kita telah beralih ke status negara menua pada tahun 2021. Hal ini kerana peratusan penduduk berusia 65 tahun dan ke atas telah mencapai 7% daripada jumlah populasi. Trend ini menunjukkan peningkatan dalam dua tahun lalu pada kadar 0.2 peratus setahun di mana pada tahun 2022 sebanyak 7.2% dan dijangka pada tahun 2023 mencapai 7.4%.

Dalam tempoh dua dekad lagi, negara dijangka beralih kepada negara tua apabila kohort umur yang sama mencapai 14% daripada jumlah populasi. Peralihan ini tentunya memberikan kesan yang paling ketara iaitu kepada penurunan trend populasi pekerja dan produktiviti. Bagi menghadapi cabaran dan dampak negara menua, kita perlu mencari jalan memperlahankan proses penuaan ini. Proses penuaan ini tidak boleh dihalang atau diberhentikan tetapi kita perlu mempunyai pelan persediaan bagi menghadapi situasi tersebut.

Jika kita teliti jumlah peratusan struktur umur penduduk yang berumur 0-14 tahun berlaku penurunan pada kadar 0.4% bagi 3 tahun iaitu ; tahun 2020 sebanyak 24%, 2021 sebanyak 23.6%, 2022 sebanyak 23.2%, dan 2023 sebanyak 22.6%.

Umum mengetahui negara-negara jiran dan serantau juga menghadapi perkara penurunan bagi jumlah kadar kesuburan, tetapi kadar tersebut agak perlahan penurunannya. Sehubungan itu, objektif kita agar dapat melandaikan graf penurunan ini bagi negara kita.

Persoalan saya, apakah kemampuan hospital Kerajaan dalam meningkatkan kemampuan kesihatan reproduktif. Berapa jumlah Hospital yang menyediakan perkhidmatan IUI dan IVF. Berapa ramai doktor pakar reproduktif masih berkhidmat di hospital Kerajaan. Adakah harga perkhidmatan yang dikenakan mampu diakses oleh rakyat. Berapa jumlah makmal reproduktif.

Dewan Rakyat juga perlu mencadangkan agar Kerajaan menetapkan polisi yang mampan seperti fleksibel waktu bekerja, yuran pusat penjagaan kanak yang mampu bayar, perbanyakkan pusat asuhan ditempat kerja, dan *paternity leave* kepada ibu bapa yang bekerja untuk meringankan bebanan mereka dalam meningkatkan kadar reproduktif rakyat Malaysia. *Population Complexity* ini yang harus kita uruskan dengan penuh keberanian dan semua pihak kena bersama-sama."

[Menteri Pembangunan Wanita, Keluarga dan Masyarakat]

14. PR-1523-U(27)283

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah Kertas Putih Imigresen yang membincangkan tentang kadar atau jumlah sebenar kemasukan pelawat asing ke negara Malaysia.

Perkara ini bertujuan untuk mengetahui pergerakan pelawat asing berkenaan sama ada mereka terus tinggal di Malaysia atau dalam satu tempoh tertentu. Menerusi ini kita akan mengetahui jumlah sebenar populasi rakyat di negara ini melalui pengenalanpastian perbezaan antara jumlah Warganegara Malaysia, Jumlah Pelawat Asing yang masuk ke negara kita sebagai pekerja ataupun dengan tujuan melancong.

Hal ini, akan memudahkan Kerajaan untuk merangka dan melaksanakan pelbagai pelan inisiatif mahupun bantuan seperti subsidi bersasar dan lain-lain agar setiap pelaksanaan tersebut dinikmati oleh rakyat di negara kita."

[Menteri Dalam Negeri]

15. PR-1523-U(27)286

Datuk Seri Panglima Madius Tangau [Tuaran] akan mencadangkan :

"Bahawa Dewan ini menerima hakikat bahawa lebih 100,000 calon peperiksaan SPM pada tahun 2022 telah gagal dalam mata pelajaran dan sekaligus gagal mendapat Sijil Pelajaran Malaysia (SPM).

Menerima hakikat juga bahawa kegagalan dalam peperiksaan SPM ini mengakibatkan masa depan yang gelap kepada calon pada purata 70 ribu hingga 100 ribu setahun.

Menerima hakikat bahawa pelajar tercicir ini tidak ada lagi ruang untuk melanjutkan pelajaran maka segolongan pelajar tercicir ini akan menjadi kerugian dalam sumber tenaga kerja negara.

Dan menerima hakikat bahawa matlamat mendidik sebuah generasi pelajar untuk membina dan membangun negara kita telah gagal maka Kerajaan hendaklah mengambil tindakan yang serius terhadap masalah ini.

Maka dengan itu Dewan Yang Mulia ini hendaklah membuat ketetapan agar silibus dan buku-buku teks Subjek Sejarah Tingkatan Satu, Dua, Tiga, Empat dan Tingkatan Lima hendaklah dikaji semula dan sebuah Jawatankuasa Pilihan Khas Parlimen hendaklah ditubuhkan untuk mendapat pandangan daripada setiap lapisan masyarakat daripada seluruh pelusuk negara, dan pada masa yang sama Jemaah Kabinet hendaklah menubuhkan sebuah Jawatankuasa Kabinet Kajian Semula Silibus dan Buku Teks Sejarah yang dianggotai oleh Menteri-Menteri yang mewakili Sabah, Sarawak, Persekutuan Tanah Melayu dan parti-parti politik yang menubuhkan Kerajaan Perpaduan."

[Menteri Pendidikan]

16. PR-1523-U(27)287

Datuk Seri Panglima Madius Tangau [Tuaran] akan mencadangkan :

"Bahawa Dewan ini Menerima hakikat bahawa sebuah Suruhanjaya Siasatan DiRaja yang ditubuhkan oleh Kerajaan suatu ketika dahulu telah berjaya membuat siasatan dan seterusnya telah dibentangkan di Dewan Yang Mulia ini.

Dan menerima hakikat bahawa setelah sekian lama laporan tersebut telah gagal dilaksanakan dan mengakibatkan ketidakpuasan hati sebahagian besar daripada rakyat Malaysia.

Menerima hakikat juga bahawa rakyat tertanya-tanya apakah yang telah terjadi dengan laporan Suruhanjaya Siasatan DiRaja tersebut.

Dan menerima hakikat bahawa kecelaruan urus tadbir Pendatang Tanpa Izin; Penduduk Asing di Sabah yang mempunyai Kad Pengenalan yang meragukan; Peningkatan Bilangan penduduk di Sabah Tanpa Kewarganegaraan ataupun *stateless children* dan kehadiran orang asing yang memegang dokumen IMM13 yang tidak ada halatuju.

Maka Dewan Yang Mulia ini hendaklah membuat ketetapan bahawa sebuah Jawatankuasa Pilihan Khas Parlimen untuk meneliti dan mengkaji semula rekomendasi dan perakuan Laporan Suruhanjaya Siasatan DiRaja Mengenai Pendatang Asing Tanpa Izin untuk merumuskan suatu Road Map penyelesaian tuntas terhadap masalah oleh empat kategori penduduk golongan pendatang asing di Sabah."

[Menteri Dalam Negeri]

17. PR-1523-U(27)290

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan meletakkan sebuah garis panduan untuk sekolah-sekolah bagi pengurusan dana, perbelanjaan, dan juga aktiviti kutipan wang daripada pelajar, ibu-bapa, dan orang ramai. Selain itu, sebuah badan pemantau perlu diwujudkan bagi memastikan garis panduan ini dipatuhi. Ini kerana, kini sudah menjadi sebuah kelaziman untuk pihak-pihak sekolah menganjurkan program-program dan majlis-majlis yang memakan belanja besar, yang menggunakan duit daripada poket pelajar. Sebahagian daripada majlis ini mewajibkan kehadiran, dan sebahagian lainnya adalah secara sukarela. Tetapi harus kita faham, kewujudan jurang ekonomi akan membuatkan wujudnya golongan pelajar yang rasa keciciran sosial disebabkan faktor kewangan keluarga. Ia juga membuat mereka berasa tertekan serta memberi tekanan kepada ibu-bapa, lebih-lebih lagi dalam situasi ekonomi kini. Bukan sahaja untuk majlis, malah sering juga pihak sekolah membuat kutipan wajib bagi pembaharuan infrastruktur, dan kutipan ini kadangkala boleh mencecah ratusan ringgit. Isu ini merupakan sebuah isu yang kurang mendapat perhatian tetapi penting untuk dibawa ke hadapan kerana ia melibatkan sosioekonomi keluarga B40 dan M40 serta kesejahteraan perkembangan minda dan emosi para pelajar yang bakal menjadi teraju negara ini di masa hadapan. Selain itu, dibimbangi jika tiada pemantauan dilakukan, perkara ini akan membuka ruang untuk pihak tertentu mengambil kesempatan."

[Menteri Pendidikan]

18. PR-1523-U(27)291

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengambil langkah pro-aktif dalam menangani serta menghentikan kes jenayah dera kanak-kanak di negara ini. Menteri Dalam Negeri pada 14 Mac 2023 melaporkan bahawa terdapat 220 kes kanak-kanak mati akibat penderaan antara tahun 2018 hingga 2022. Data Kementerian Pembangunan Wanita, Keluarga dan Masyarakat antara Januari hingga Jun 2022 juga mendedahkan terdapat 1,055 kes penderaan kanak-kanak di negara ini. Kanak-kanak adalah masa depan negara. Lantaran itu, pihak kerajaan wajar menangani lantas menghentikan kitaran dera ini dengan sebuah target 'Dera Sifar' menerusi langkah-langkah pro-aktif seperti mewajibkan kursus penjagaan anak, mewujudkan sistem pemantauan berkala, meneliti semula undang-undang serta garis panduan berkenaan penjagaan kanak-kanak, meningkatkan kesedaran masyarakat, dan lain-lain."

[Menteri Dalam Negeri]

19. PR-1523-U(27)292

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat menggesa Kerajaan mengambil tindakan yang lebih pro-aktif dan efisien bagi meningkatkan kesedaran, tindak balas, dan kerjasama masyarakat dalam menghadapi bencana alam. Kerajaan telah mengumumkan penubuhan Pusat Bencana Geologi Negara pada akhir tahun ini serta pembangunan Sistem Amaran Awal Tanah Runtuh (SAATR). Inisiatif ini akan dapat meningkatkan kecekapan tindak balas bencana agensi-agensi berkaitan. Bagaimana pula dengan tindak balas masyarakat.

Apa yang telah dan sedang Kerajaan usahakan bagi memastikan rakyat bukan sahaja peka tetapi takut dan patuh kepada arahan yang dikeluarkan oleh pihak berkuasa. Kerajaan perlu menguatkuasakan Akta Pertahanan Awam 1951, Akta 221 bawah seksyen 4 (C) di mana tindakan boleh diambil ke atas mereka yang tidak patuh kepada arahan pihak berkuasa contohnya arahan untuk berpindah dalam situasi banjir yang boleh membahayakan penduduk dan pada masa yang sama memberi risiko kepada penyelamat."

[Perdana Menteri]

20. PR-1523-U(27)293

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan seperti beras tempatan, ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan. Kerajaan tidak seharusnya melepaskan tanggungjawab menjaga keterjaminan bekalan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

21. PR-1523-U(27)294

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi."

[Menteri Pertanian dan Keterjaminan Makanan]

22. PR-1523-U(27)295

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan seringkali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

23. PR-1523-U(27)296

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti

penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara."

[Perdana Menteri]

24. PR-1523-U(27)297

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMK-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan Negeri khususnya di Perlis untuk mempelbagaikan fungsi sesuatu projek sedangkan Kerajaan Negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu. Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek."

[Menteri Ekonomi]

25. PR-1523-U(27)298

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar '*rebranding*' daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan Negara dan memerlukan input dari pelbagai Agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Perdana Menteri]

26. PR-1523-U(27)299

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

27. PR-1523-U(27)300

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal ini demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiap siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

28. PR-1523-U(27)301

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuh Raya Sematan – Telok Melano juga baru-baru ini secara tidaklangsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

29. PR-1523-U(27)302

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

30. PR-1523-U(27)303

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak '*pro*' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media. Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada '*pro*' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan. Oleh demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu."

[Menteri Komunikasi dan Digital]

31. PR-1523-U(27)304

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

32. PR-1523-U(27)305

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan keluar dan masuk sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan pasport atau pas sempadan pada hari minggu. Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket pemerdagangan manusia yang dipercayai etnik Rohingya. Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu. Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka."

[Menteri Dalam Negeri]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2023</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR. 16	Penyata Jawatankuasa Pilihan Khas Hak Asasi Manusia, Pilihan Raya dan Reformasi Institusi Mengenai Kondisi Penjara-Penjara di Malaysia	28 November 2023
DR. 20	Penyata Jawatankuasa Pilihan Khas Wanita, Kanak-Kanak dan Pembangunan Masyarakat mengenai Halatuju Penubuhan Suruhanjaya Kanak-Kanak dan Laporan Lawatan Kerja ke New Zealand dan Australia	28 November 2023
DR. 21	Penyata Jawatankuasa Pilihan Khas Wanita, Kanak-kanak dan Pembangunan Masyarakat mengenai Status Terkini dan Hala Tuju Jabatan Pembangunan Kanak-Kanak	28 November 2023
CMD. 69	Kertas Putih Cadangan Dasar Gaji Progresif	28 November 2023
ST. 218	Laporan Tahunan dan Penyata Kewangan Yayasan Tun Razak (YTR) Bagi Tahun 2022	28 November 2023
ST. 223	Laporan Tahunan dan Penyata Kewangan Lembaga Pelabuhan Bintulu dan Lembaga Pelabuhan Labuan Bagi Tahun 2021	28 November 2023

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 28.11.2023 (Selasa)	1. YB Tuan Mohamad Shafizan Haji Kepli (Batang Lupa)	1. Isu Mini Kompleks Pendaratan Ikan Lembaga Kemajuan Ikan Malaysia (LKIM) dan Perumahan Nelayan di Beladin	1. YB Menteri Pertanian dan Keterjaminan Makanan
2. 28.11.2023 (Selasa)	2. YB Tuan Mohamad Shafizan Haji Kepli (Batang Lupa)	2. Pembangunan Infrastruktur dan Status Projek SMART Sawah Berskala Besar di Kawasan Pembangunan Pertanian Bersepadu (IADA) Batang Lupa	2. YB Menteri Pertanian dan Keterjaminan Makanan
3. 28.11.2023 (Selasa)	3. YB Tuan Haji Mohd Misbahul Munir bin Masduki (Parit Buntar)	3. Isu Sistem Pengairan Air Sawah di Kampung Tok Ngah, Batu 14 dan Parit Haji Ali Kuala Kurau, Parit Buntar	3. YB Menteri Pertanian dan Keterjaminan Makanan
4. 28.11.2023 (Selasa)	4. YB Tuan Haji Mohd Misbahul Munir bin Masduki (Parit Buntar)	4. Cadangan Mewujudkan Kolej Kemahiran Berasaskan Pertanian di Parlimen Parit Buntar	4. YB Menteri Pertanian dan Keterjaminan Makanan

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**